

本堂先生文集

陳勸題籤



09680

本堂先生文集卷之六十六

啟

代范主簿大服除謝賈太傅啟

性

廟堂公造挽回善類之春簪履遺孤追感舊知之地積  
忱欲寫悲涕先零昔吾祖蜀公不同流於世俗與時相  
司馬爲異姓之弟兄必首置之周行宜弗遺於餘力然  
而侍讀之命聽其固辭告老之章遂其繼請乃今本無  
半面之故而有甚於平生之歡用情不問於存亡援手  
不問於難易信後來之口遭際視先世而有光輝某痛  
惟家嚴酷嗜古學其處屋漏言行皆可以語人其游宦

本堂文集卷六十八

一

塗禍福不足以動我粵從綠髮以及華顛每聞吠雪之  
聲幾中含沙之射坎坎世變惟性命之苟全悠悠已知  
於功名乎誰主儵然埽軌將以挂冠忽見錄於洪鈞爲  
力扶於赤幟聞而自信豈煩韋澳之呈身出於無求何  
待元城之通問曉上拔姦之疏暮飛雪謗之函謂已獨  
正方遂賈憎於流俗謂首欲延致乃見劾於誣詞立祈  
清議之伸大快輿情之望甄其盡復玉以不瑕親庭本  
心喜已逾於涯涘相國雅意謂當上之雲霄召以棘卿  
越以芝詔旣累辭而弗獲雖萬里而亦來奈何坐席之  
未溫或者引帆而遽退平地風波之洶湧自昔而然青

天白日之照臨有知者在倍費榻前之回翰亟分淮右  
之驅馳曾無幾時忍棄諸子扶護歸里若爲蘇氏之謀  
漂泊無家殆類少陵之死慟荼毒其至此慘荒迷乎何  
之終謝恩陶周圖私計錫田而活孥累以壽悽貧之傳  
免詮以延父恩以歡爲善之後誰能眷其存歿如此極  
其始終一門多緣千載佳話茲蓋恭遇某官手扶乾御  
身濟泰亨如伊尹之佐商王享天一德如姬公之輔成  
后敬收萬年其爲國而愛賢殆如父之親子旌招交路  
必使無山林之遺鼎養滿朝猶恐有溝壑之委遂於寒  
遠尤所恩勤某餘息僅延中藏難釋衣冠純吉獲口瞻  
袞烏之光軒廢終依尙不辱箕裘之緒是之謂報過此  
何知

代唐司直震除京倅謝賈太傅啟

末綴多慚因乞身於方外大鈞一轉俾分倅於日邊得  
之若驚望所不到竊以清爲別駕乃班底之常程留贊  
神臯有選中之特用若稽在昔彼美諸賢校祕閣如歐  
陽公僅承滑郡直集賢如富彥國惟佐渾州豈伊濫數  
之鶩材而可贅員於經贊伏念某書幾成癖學不化愚  
苦無他求本具山林之相貧不自活俛尋場屋之盟勃  
宰末科閒關漫仕中焉不工於炙熱分已無望於向榮

泰運忽回困心如覺在廷交薦誰知安石之本迂注縣  
徑行竊慕希仁之弗競詎圖塊圯專主孤寒就從通籍  
之餘擢置縉紳之末素餐故府去蠹魚者幾何直讞理  
庭守畫象而已爾於國家乎何補而歲月之空流大木  
吾樗雖匪中繩而中墨苦心老柏尙其如石而如銅但  
不爲知己之羞又何必要人之譽勉強在列因循到今  
然念任使者廟堂之至公靡遺尺寸進退者仕宦之大  
節易失毫釐苟非決於轉帆是爲安於戀棧縱逃清議  
難捩汗顏輒口補外之所隨錫治中之命恐其贏糧千  
里不使遠征念其食粥多時遂那近次便可以陪竹山  
之勝非泛然爲松雪之游如此成全豈曰僥倖茲蓋恭  
遇某官元勳伊旦實行參騫經國規成得正笏垂紳之  
大體愛君忱積多納約自牖之至言爲社稷而勉留以  
人物爲急務方英俊如林之日采及焦桐雖朴拙無味  
之徒嗜猶昌歆致令碌碌亦累拳拳某敢不激烈眷私  
敬恭職分此爲何地敢曰風月之平分尙有我天可證  
冰霜之自勵是之謂報此外奚知

代前人謝留參政啟

大臣無我公持人物之衡小吏非材驟玷文書之府得  
踰所望懼甚於榮竊惟金耀之聯實綴玉班之武初以

登藏於版籍是特司存後而儲養於英髦有關選用況  
清明於今日尤珍重於此官恬靜者居雖秩楫大言而  
莫售孤寒者與雖金張奧力而奚施以甄別既極其精  
嚴豈僥倖可容於迂闊某斷無多技惟有一愚讀書山  
林自是痼心之難療授徒鄉里本非實學之可師中年  
偶其第名前路漫焉信步言歸矮屋間選脩門一違炙  
手之交幾受磨牙之噬咄咄世事悠悠宦情餬口麤支  
何必良田之二頃蓋頭便了猶存破屋之數間暮竹聊  
以倚寒夜瓜未嘗乞巧其如知己相與爲謀謂采藻於  
泮宮可尋本色謂依蓮於儉幕可預末籌或推轂而薦

揚或騰書而辟置有感昌歎菹之嗜將爲魚羹飯之行  
然念屋上之烏因人而好堂前之燕認主而飛悵道地  
之遽更脂吾車而焉往是有命也止或尼之倍費時紳  
之挈提迄叨戎局之嘯諾官閒無妨埽軌俸薄亦堪代  
耕尙何他求不翅已足九衢軒翥誰能羨於俊遊七選  
徘徊正自宜於老鈍詎圖特達之在上乃爲衰遲而熱  
中力幹薦函俾諧通籍霜崖雪谷忽如今而向陽時雨  
春風雖不自以爲德亦欲少酬於鈞造方思勉試於琴  
清願捧除音經塵掌故平生知止驚取數之過多流俗  
積疑恐移機之益衆未能稱塞徒快遭逢茲蓋恭遇某

官舊校云闕文某免縣宰而擢用何以報許公之知爲架閣

而奏陳尙其師萃老之直謝不盡意寄諸無言

代王資政煥謝賈太傅啟

去國之蹤冥心知分自天之渥昇職與祠蓋於屢詔之餘有此曲成之造端由密啟何敢復違伏念某受相古農勉顏今仕志雖欲廣應多事以則疏識本不融至衰年而愈窳偶值元勳之引類遂從兩地以叨榮然而愛君雖積於至忱無裨聖德憂國徒勞於過慮難用拙謀甚以素餐況乎多病童子釣游之所悠悠我思君門僂僕之身寂寂者笑惟有東山之去庶猶末路之收獨恃

己知積披心禱同舟以濟公方繾綣之意長戀棧而留此則出處之義大何疑可卜遂決於行顧白榻之言愈勤而臨門之使屢遣召環之命分蠶之除再三瀆而弗渝夫豈得已歷數月其良久然後從之猶廩殊庭仍班祕殿宜誅而賞殆幾加賜以愧心安受不辭又若避勞而就佚終恐重貽於斧鉞必將倍費於範圍俛而拜恩滂其流汗茲蓋恭遇某官功高不有禮絕私嫌身佩安危將爲萬年而開泰志存蕭散猶無一日以忘歸故推己以恕人尤用情於告老某未知所報有激於懷賦粟深恩已遂山林之間便食芹餘息尙觀朝野之隆平

代戴時可

興

鄉貢謝彭倅啟

龍飛第一詔嘉承新天子之恩鶚薦口七名濫中明有  
司之選以少年而幸得於末綴以何拘退而省循誰其  
宗主竊以國家所以取士詞賦尤爲得人涵養粹則理  
義精議論熟則事業著觀置器數語已有安天下心卽  
在鏐一聯俱謂得宰相體矧輔郡屬四明之勝而詩流  
萃多士之奇居鼎鼐者出於大明生東之篇管樞機者  
見於萬世垂基之作仰追前躅正賴後來如某者姿瘠  
於昏學荒而淺雪溪淒冷詩禮百年之譜長風骨酸寒  
雲霄萬里之望遠偶因三餘之暇勉強習八吟之聲祇堪

自娛甯有他想然而朝廷新政方掀揭於斯文鄉曲公  
評將激揚於我輩倘非奮迅於功名之會毋乃棄暴於  
宇宙之間勇不知裁行或有使駢肩相角萬五百卷其  
多定額可憐二十八人而已雖妄氣末忘於僥倖而本  
心終遜於老成誰識此時有不在我秋風桂子忽清塵  
穢之毛寒春浪桃花便起崢嶸之頭角不圖至此夫豈  
偶然茲蓋恭遇某官道之津梁學者山斗發三島十洲  
之秀新美英游分九經重錦之輝開明後覺遂令疏譴  
亦累吹噓某敢不銘篆所知鞭策其鈍選舉非古漫從  
進士之小科成就由天惟恃立身之大節由中之謝此

外何言

代姪濟謝解啟

詔喻二千石之良選賢於眾名登四七際之列遜我者  
三共誇好事之重尋自揆非才而深懼昔鄉里於紹興  
之舉以詞賦得攻媿其人掌內外制則諸老汗顏如陸  
內相坐政事堂則羣姦跼蹐如鄭魏公中興一代之偉  
儒後學百年之好樣必稱乃選豈無斯才如某者生而  
鈍根藐焉弱植何如謂士固嘗習聖賢之書無以瘡人  
亦欲盡子弟之職漫觀場屋敢冀科名況家庭之學未  
積深功而鄉曲之譽豈歸晚進明有司期鴻生之必得

本堂文集卷六十六

七

吾小子誤蟲篆之見收得非平而不至於怪奇或通乎  
理實而不流於浮誕足信其心知而取之庶乎可也納  
絺芘於藥籠之末進昌歎於玉食之間允出遭逢敢云  
僥倖茲蓋恭遇某官吾國元氣善類景星蓬萊瀛洲之  
天快平分於風月蛟門虎蹲之地煩坐鎮於波濤奚以  
假爲宜遂真拜趨韓范功名之會博觀人才主歐蘇文  
字之盟樂誘晚學棘圍嚴於革弊藻鑑揭而無私迺使  
么庸亦叨吹送某敢不矜持殊寵激烈寸忱尙資以進  
身遂接階庭之步武則仕而爲口庶裨廊廟之經綸飯

向芹芹編摩草草



代弟觀謝解啟

賓詔驚心歸從輦下主司誤目收置選中真可謂之僥  
逾當若何其激烈昔在癸酉之鄉舉最得鴻儒所以甲  
戌之臚傳經魁虎榜餘亦多歸於巍級後來並號於名  
卿歲忽循環而又周天將如券之交付而況六十年一  
會培元氣者益豐二十有八人與列宿而相應豈其偶  
爾能不躍然某相可忍飢書徒成癖麋鹿山林之性分  
所宜安蛟龍雲雨之心時乎自奮乾坤如許其闕父師  
所命者何朝廷設科豈曰老英雄之法場屋較藝是爲  
遠事業之階勉效雕蟲浪圖戰蟻雖慊聲金之擲地然

常輕壁而惜陰近攜書囊屢優京校不知我者謂將詭  
遇而獲禽是有命焉冒學守株而待兔敬謝朋舊言還  
里閭魁星閣之初成上千龍角泮水池之先識中奏蛙  
聲耳目爲之頓新羽翼起而欲舞羣入而試自知甚明  
枝葉語言進莫窺於古作草茅氣習退不契於時妝誰  
嗜昌菹乃塵藻鑑拜手金花之帖滿腔玉女之恩量已  
分之甚盈幸家聲之未墜曩從父冠南宮於丁丑比伯  
氏擢上第於丙辰素爾鴛庸青吾甌舊謂一榜得人之  
盛而同門拔穎者多弟子弗如師孰謂當仁而不遜交  
遊稱其信尙期攜手以偕升允侈斯逢原口所自茲蓋

恭遇某官學遊道間和到聖涯經術源流胡安定之先  
覺制誥法度蘇文忠之後身移八座之輝躔領十洲之  
鈇鉞光風噓拂文氣益揚嵩嶽鎮臨士流增重幸一陶  
於造化皆百倍其精神因使濫中亦叨勸駕某敢不激  
昂素志酬荅殊知倘得瓊林豈在春花之盡看持身玉  
尺相期松柏之後彫過此以還非所謂謝

代王參謀謝賈相啟

某江淮屬吏望公台之躔邈在九霄不敢以煩語塵瀆  
首乞穹宥某龜之氛不能雨井之水不能波獨以造物  
與機元勳當軸篤念先人登門之舊借之羽翼而春風

之生之芽甲而時雨之既使隨力驅馳安意飲食且挈  
而上鴛鴦行底以觀龍虎相從之盛雖大鈞無私等歸  
塊北然凡骨之勞變化百倍其恩勤也方將依袞烏光  
聽展履役以畢此生就列曾未幾時成命忽其改畀辭  
不得請俛焉轉帆素餐籌帷無補絲髮初意及考卽丐  
歸田中閒狎黍躋升繇是不敢控籲日月如流今又暮  
矣二十餘年凡四入幕人所厭薄亦自忸怩嘗以情白  
使長乞備申公朝奉叢祠爲投閑計所求未遂強顏尙  
留殆類在梁之鵲戀棧之馬旁觀者笑幾無以自解重  
惟某何人斯仁造所以成全者視先太師之於先人有

加也而某樞趨師牆不得如先人之勤於事先太師也  
燭之武老矣惟有謹密以保受知之身靖退以養報德  
之志曠日在上此外非所知也某本欲守劉元城不通  
書之戒特以感烈滿懷有不自禁惟鈞慈亮之某下情  
不勝戰慄之至

代趙松壑通馬大使

光祖啟

某伏以晚春好處滿目新陰恭惟某官奉詔起家擁旄  
戒道冕旒眷倚堪輿介扶鈞候動止萬福某筮柔日溯  
剛風贄禴於典籤俯仰祈委鑒 某載惟受天閒氣爲  
國大臣日羲月娥陽嬰陰姤罔敢不職相裊公鼎之祝

本堂文集卷六十六

十

奚庸某贅

某茲者恭諭疏榮宸筆授任制牙金華洞

天暫綴錦衣之適青溪福地慣逢玉鉞之臨光聲颺馳  
喜氣雲合恭惟某官得聖賢學爲人物宗脩諸家庭之  
閒不愧屋漏見之政事之際是特刃餘轍迹幾遍於東  
南鐵香相爲之終始有如江左兼控淮西曾大纛之重  
臨有甘棠其好在上方謀帥誰以易公用兩老兵皆知  
南軒之寡慾成一信字盡服乖崖之力行百姓聞而歌  
謠列屯望而精采第恐有中留之拜不容疾前導之驅  
某非佞 某久違袞爲之下跡遠而心實邇近者疊拜

寶鉞每一展讀當參侍一遍孰謂天幸將得以小漕車

依玉垣左右不自知手之舞足之蹈也 某非材將漕  
駑駕已疲兼組餉師蝨負益重矧當弊壞之際是豈迂  
疏所勝慄如臨深未知淑後教誨之旃幪之今知有仞  
牆可依矣某百拜預禱 某事尊有彝通名必敬輒  
駢蕪拙語仰塵宗師俯賜覽擲萬榮萬幸 某仰溯  
鈞閑仙媿納福攸同揆分夔絕不敢僭越申起居間前  
茅有行下事件九頓首以請

本堂先生文集卷之六十七

劄子  
原闕

本堂文集卷六十七

一

本堂先生文集卷之六十七終

劄子  
闕

本堂先生文集卷之六十八

劄子

賀沿江大制使馬觀文除參政劄名光祖

某諭召從外間參預中階大江以東甚欲挽留於父母  
普天之下謂宜歸坐於廟堂綸綍一頒縉紳胥慶恭惟  
某官南渡閒出西山的傳精神混全卓然當元氣之會  
本領粹密何者非吾道之推第名太高而忌多故身常  
退而進少使朝廷大用早及嘉熙淳祐之間則宇宙太  
平久登慶厯至和之上奈何實學無經綸之地遂令腐  
儒正迂闊之稱獨袖商霖徐環孔轍至屈清冥之鉞委

本堂文集卷六十八

一

臨白下之城信服以心熟護柳營之部曲撫摩以手及  
親竹馬之孫曾今又四年祇如一日然而溫國之留西  
洛惟傳自走於軍民寇公之鎮北門疑問至形於夷狄  
蓋人望之素屬亦天衷之簡知乃繇玉麟俾貳金鉉方  
延登大老已覺萬物之晶明縱夢想平泉能忘一念之  
憂愛人皆仰止公盍圖之某深囿化鈞欣聞除命鳳凰  
覽輝而下雖未報於先驅燕雀賀廈之成特預占於內  
泰不盡之意□□□宣

壽沿江大使馬觀文大酺詞繳劄

茲者恭審繡紱書辰玉垣集慶江東父母勝如二十四

考之中書天上神仙宜得萬有千歲之眉壽具瞻斯聳  
輿誦自騰恭惟某官雪月精神華嵩根本韓范以至於  
南渡閒氣獨全程朱以來有西山的傳親受學問必歸  
於有用經綸自任而不疑然才名太高獲上或違於在  
下而人望所屬處外無異於居中維彼甘棠莫如留鑰  
盤礴三至堂之上去來十餘載之閒口不言錢茶羹飯  
而自爽室無長物梅花帳以甚安政事三昧之餘寵辱  
一笑之外是之爲自求其福所以養太平之基某受知  
師門託迹京輦心隨鸚賀望徒極於清溪曲奏鶴飛愧  
不如於白雪倘蒙采矚豈勝幸榮仰瀆威尊伏乞台察

本堂文集卷六十八

二

通浙東饒帥劄

應龍

某伏以一雨新晴兩閒清氣恭惟某官宏開帥閫嘉惠  
帝鄉冕旒倚毗蓋壤森扈台候動止萬福某端簪理笏  
重沐裁箋再拜微名於鎮越堂上惟西垣一星下矚之  
某惟刺史千里之宅先元帥三軍之司命動靜而造化  
具嘯吸而陰陽隨鼎餗坤裳勿問元吉某歡惟某官深  
沈而篤厚廉簡而直溫當今善類之宗主也頃坐御史  
府不合故去晶光自此充塞宇宙閒翠節碧幢驅馳江  
澗亦旣勞止上以會稽印久玩命公保釐寬朕憂顧內  
臺外臺雖均惟天家耳目官然禁闢正欠汲長孺拾遺

淮陽豈久稽邪某側耳鋒車之召某矯首當代龍門誦  
汝墳三章久矣霄垠異趨末由望履陳香一瓣景景此  
心不自意斯今得執蒲壁爲大府屬吏庭參有期溯風  
手舞哂由與點俟命懷如某一書生耳苦味備嘗中年  
始竊奉常第叨席鸞嶼於本色上滋一溉之誤知當路  
交上公車東轅西轍仕也學在其中矣僥倖通閨來此  
試令自惟技短識疏傷錦是懼郡邑脈絡猶父子然絡  
策之不失其性假借之以成其志或可稍著見於門牆  
下某端笏以請某惟事尊事大厥有彝恭其曷敢以蕪  
陋廢牽課儷語唐突宗工霜電流輝榮幸億稔某揆分  
有截不敢躡申蓬萊閣中神仙大姥起居口問霆驅使  
指屏息欽承

通王帥參劄人

英

本堂文集卷六十八

三

某伏以秋經風雨清滿乾坤恭惟某官以中朝官贊大  
帥府冕旒垂春蓋壤薦釐台候動止萬福某斐然一箋  
徹姓字於典史氏惟融明幸鑒某惟越爲股肱郡幕府  
山多佳客擇以自從何啻裴晉公之得昌黎也婉畫生  
風舒慘一道何陰陽寇之敢干以尊生請則贅某敬惟  
某官一段冰之姿入窗月之識萬斛泉之文自翠髻時

聲譽已獵獵一舉上中書堂輒申選天子曰俞以本色



官官之入而書林吏局出而倅軾守麾贊羸垣參越閭  
亦既勞止匪伊九鳳銜芝花而下式過其歸儀我鷺翻  
某生也幸與執事同里閉逐祿江湖契闊良久不自己  
試令剡溪迺與騶珂邂逅於蓬萊閣下展也天只適我  
願兮某鄉之山澤癯耳中年竊奉常第東轅西轍多在  
多先儒考經問難之地以此增益所不能胷中懷懷樂  
趣未渠央也誤知諸老交上公車僥脫選階未紆邑綬  
玳筵上客或垂情粉社而庇休之某拳拳某少好雕蟲  
今荒矣告至有彝非此末以將敬竅啟突如紫電一瞬  
幸甚幸甚矯躬瓊樓玉宇羣仙居焉敢僭越上起居問  
沿塗區冊惟命之恭

通趙帥參

崇  
儒  
劄

某伏以一雨秋霽兩閒氣清恭惟某官借重价藩運籌  
元幕明靈協贊台候動止萬福某露香雪手奏記籤曹  
伏祈裁省某已肅龜列申詞燕羞吉星後先何福不萃  
調鼎寧禔奚敢贅爲二御瀆某欽惟某官文章足以瑞  
世言動足以範俗措諸事業足以愛人及物謂宜由紫  
清界陵湖直上胡不競流而乃回翔幕府厚積而薄發  
邪會有轉而上聞鳳銜紫泥下九天矣某誦一代不數  
人之句慕用半生願一日執鞭而不可得學製下邑獲

在容密之下區區本心戴星瞻倚某甬東末學竊服諸  
友緒餘仕未能信偶以一科試鷺洲講席幸免羣嘲五  
辟幕僚江湖幾遍通班爲令易地古剡天開奇遇行依  
照臨云胡不喜某執贄有初肇悅僱櫝禮也荒池蝌蚪  
唐突鈞韶繳冀電覽榮甚覆瓿某惶恐端拜申問蓬壺  
寶輯瑜珥瓊蕤鈞分嘉馘首途驅冊九頓首以聽行下  
通鞏北倅 桂 余南倅 東 余東倅 亥 繳劄

某伏以一雨秋霽兩閒氣清恭惟某官倚重星輿清臨  
湖鏡康公日奏神物陰扶台候動止萬福 以下同前  
三首一律

通鮑察判 同 孫繳劄

本堂文集卷六十八

五

某伏以一雨秋霽兩閒氣清恭惟某官密贊藩條清臨  
湖鏡穹示夾輔台候動止萬福 以下  
同前

通李知錄 召 繳劄

某伏以一雨秋霽兩閒氣清恭惟某官榮總都綱清臨  
湖鏡穹示夾輔台候動止萬福 以下  
同前

通王司戶 應 子繳劄

某伏以一雨秋霽兩閒氣清恭惟某官精覈版書清臨  
湖鏡穹示夾輔台候動止萬福 以下  
同前

通吳司法 紹 元繳劄

某伏以一雨秋霽兩閒氣清恭惟某官明燭藩條清臨

湖鏡穹示夾輔台候動止萬福

以下同前

通俞監倉

鎮

繳劄

某伏以一雨秋霽兩閒氣清恭惟某官晏安庾中清浮鏡甸穹示夾輔台候動止萬福

以下同前

通程比較

榮

繳劄

某伏以一雨秋霽兩閒氣清恭惟某官備財醴政岸幘湖山穹示夾輔台候動止萬福

以下同前

通舒教

必

林教

文

明

伏以秋經風雨清滿乾坤恭惟某官橫經候類吾道增重爾神分休台候動止萬福某露香雪手奏記籤曹伏

本堂文集卷六十八

六

祈裁省某已肅龜列申詞燕羞吉星後先何福不萃口口口口奚敢贅爲二御瀆某欽惟某官文章足以瑞世言動足以範俗措諸事業足以愛人及物謂宜由紫清界陵湖直上胡不競流而乃口口口口厚積而薄發邪會有轉而上聞鳳銜紫泥下九天矣某繇道珂里而接軒蓋闖壁水而揖冠帶今幾秋矣道鐸惠起某豈不聞每謂歸途便謁而竟墮因循不主意試邑在五雲東南霖霖教雨而源流瀕瀕受賜將又自此始某甬東末學竊服諸友緒餘仕未能信偶以一科試鷺洲講席幸免羣朝五辟幕僚江湖幾遍通班爲令易地古剡天開奇

過行依照臨云胡不喜某執贄有初鑿悅儷積禮也荒  
池蝌蚪唐突鈞韶繳翼電覽榮甚覆瓿某惶恐端拜申  
問蓬壺寶輯瑜珥瓊玳鈞分嘉戩首途驅冊九頓首以  
聽行下舊校云林云誦一代不數人之句云云同前○  
案此繇道珂里以下六十九字通林之劄是誦  
一代不數人之句以下三十九字○又案  
五雲東南句下一本有行可參會四字

伏以秋經風雨清滿乾坤恭惟某官橫經書堂振鐸道

棟

閩穹示爽輔台候動止萬福以下

某伏以秋經風雨清滿乾坤恭惟某官受王嘉師培國

元氣九重簡注三極贊襄台候動止萬福某謹熏鄉祓

同前

九頓首徹名於典籤氏惠繳悉口口惟詳刑之寄一道

繳劄

民命關焉噓陽吸陰立變寒燠山川百示奔走後先箱

本堂文集卷六十八

七

毘口口之請焉用釀陳於侍衛者某敬惟某官精神足  
以強本朝力量足以康世運文雅足以謀王體維今傑  
魁人也內敬外歷聲聞泐泐著之丹屏紫極閒疇不謂

宜上念洳河以東臬事至重其命公衣繡持節以福一

道洗冤澤物皆蒙講明之餘波也毗謠紳譽洋溢路上

大司寇尙虛席帝意有在匪伊夙莫以公歸兮某嘗謂

谷隱先生之詩曰吾嘗有陰德行矣光炎宋平齊先生

谷隱先生之詩曰吾嘗有陰德行矣光炎宋平齊先生

既允蹈之又廣以爲訓曰詩書氣脈續聲價天壤闕而  
尙書公與先生繼繼承承焉卓乎盛哉東南百五十年  
無此門庭某生也晚獨恨未能一償終南黃河之欠天  
况奇逢乃今得執蒲壁爲部內吏責沈文自此不必作  
矣某喜且懼某惟事尊事大厥有彝恭其曷敢以蕪陋  
廢牽課儷語唐突宗工霜電流輝榮幸億稊某揆分有  
截不敢躡申大媿起居問霆驅使指屏息欽承

通浙東楊倉

同繳劄

伏以稗金之月曉雨生涼恭惟某官錫節輝煌庚臺森  
峻九重簡眷三極賚嘉台候動止萬福某雪忱祝墨九

本堂文集卷六十八

八

頓首以賤氏名聞修告至也惠徼電瞬某嘗聞潘德鄰  
之提舉常平也發吏贓訪民瘼列城竦然紫陽翁亟稱  
之今我公之嘉惠浙東猶潘公之使江東也精神風采  
山嶽動搖百神禁呵何福不除奚庸以鼎餼坤裳爲請  
某敬惟某官玉界尺之正朱絲繩之直金露莖之清入  
而國子先生出而幕府上客聲光燄燄照人耳目上知  
其可大任遂以南軒所居之官官之省中事無鉅細裨  
贊良多拾級而陞自宜爲甘泉真法從而猶坐使華堂  
邪斂紆煮摘式奏懋庸式邁其歸匪夙伊莫某浴暉以

伺某矯首當代龍門

已下與通浙  
東饒帥篇同

通嶧縣交代權縣江監稅極繳劄舊校云附丞簿尉頌德。今分

目附列  
於後

某伏以一雨初霽兩閒氣清恭惟某官油幕贊籌畫簾疊組百神呵護台候動止萬福某露香雪手奏記籤曹伏祈裁省某已肅龜列申訶燕羞吉星後先何福不萃調鼎寧禍奚敢贅爲二御瀆某欽惟某官喬木之秀名流之宗踐履則有傳家之譜謂宜由紫清界陵湖而上胡不競流而乃回翔依泛賢勞王事當路倚之邇者百里借才雖遊戲餘刃而環邑之民往往頌詠德化會有轉而上聞鳳銜紫泥下九天矣某誦一代不數人之句

本堂文集卷六十八

九

慕用半生願一日執鞭而不可得學製下邑獲交仁賢遂將親奉蕭規密依儉幕雲來百世盟自今日始預切欣躍某甬東末學竊服師友緒餘仕未能信偶以一科試鷺洲講席幸免羣嘲五辟幕僚江湖幾遍通班爲令易地以東交好仁言悉數以告使沸鼎而涼險灘而夷拳拳歸倚某執贄有初鞏悅儷檳禮也荒池蝌蚪唐突鈎韶繳冀電覽榮甚覆瓿某惶恐端拜申間蓬壺寶輶瑜珥瓊蕤鈞分嘉猷首途驅册九頓首以聽行下

通嶧縣趙丞寶劄附

某伏以一雨初霽兩閒氣清恭惟某官雪溪深處對松

而哦百神呵護台候動止萬福以下前

通嶮縣杜簿英附

某伏以一雨初霽兩閒氣清恭惟某官句稽之暇岸噴

山溪百神呵護台候動止萬福以下前

通嶮縣劉尉次附

某伏以一雨初霽兩閒氣清恭惟某官望高梅隱清逼

遠溪百神呵護台候動止萬福以下前

回謝嶮寄居屠倅雷發

某伏以一雨初霽兩閒氣清恭惟某官望培剡雪躔燦

屏星百神呵護台候動止萬福某露香雪手奏記籤曹

本堂文集卷六十八

十

伏祈裁省某已肅聽列申詞燕羞吉星後先何福不萃

調鼎甯祠奚敢贅為二御瀆某欽惟某官文章足以瑞

世言動足以範俗措諸事業足以愛人及物謂宜由紫

清界陵溯而上胡不競流而乃欲尋盟松雪厚積而薄

發邪會有轉而上聞鳳銜紫泥下九天矣某繇都門邈

近光躔數年閒耿耿梁月不自意學製鄭卿將叨錦覆

中心欣躍手不知舞某甬東末學竊服師友緒餘仕未

能信偶以一科試鷺洲講席幸免羣嘲五辟幕僚江湖

幾遍通班為令易地而前慄慄冰淵未知攸濟尙其間

政或使之免曠敗也某執贄有初以下前

苔山陰王宰

宗泐惠物劄

某抱琴欲試遙指雪溪飛帖口口劃來雨驛寵以滿匳之饋熒然行李之光卻則不情受之何面瑟縮者久勉強以登往而不來徒愧瓊瑤之報愛之以德尙冀藥石之貽伏乞台察

苔上元送酒曹幕

伏以玉琯吹葭添一綫日琴堂記節飛五朵雲且餉蟻壺以華鳥幕不敢不拜良感良慚退食自公期與梅花而爛醉舉杯相屬願言芝檢之催朝謝不盡言仰乞台察

本堂文集卷六十八

十一

賀馬少監

延鸞劄

渙頒宸綍晉貳秋卿仕至都曹已居學宰相之地職兼少監又以觀梓人之規歷試要除實陪大用恭惟某官江東獨步天下倫魁妙法度文詞臣舉而爲代公造化筆集賢留以自扶宜從繕監而徑升益表茂林而異擢某辱知厚矣聞命躍然矯首中朝遙上德興之賀守官南服永言庇廈之依不盡慶忱仰乞台察



本堂先生文集卷之六十九

劄子

某奉壽王大資煊大酺詞繳劄

某茲者恭諗建亥穀朝生申華旦合黃庭三關之氣此道則仙用洪範五福之疇有德者壽喜聞宸展慶溢午橋恭惟某官一片古心九分地位泰山喬嶽誰知雲雨變化之神霽月光風中有冰雪稜層之操學業發揮於六籍勳名掀揭於兩閒參政仲奄盡任天章之條對副樞司馬豈宜獨樂之言歸皇上方倚以爲師蒼生政望其作相胡爲永退無能爲留亦曰天地之閒理義最大如彼風雨之晦君子焉依所以避朝市而息山林脫軒冕而安韋布孰謂用公之未盡當知在我之有餘收元祐全名共起敬元城之眞漢稱太平盛事且主盟潞國之耆英某漫學弦歌密依牆仞幸耳聞於慶舉宜躬致於賀忱恹惓牒訴之裝懷莫陪珠履往來宮商而調曲聊贄瓣香僭瀆尊威伏丐台察

賀饒帥

應龍

冬至劄

某伏以律中黃鍾初喜復陽之長春生玉帳漸迎泰社之來挽元氣口爲吾道賀恭惟某官顏孟地位伊呂規模發山川之秀而爲華詞瑞雲之紛郁厲冰雪之操而

有和氣愛日之融明暫借公卿於槐棘之閒來領神仙  
於蓬萊之上行政以德與物爲春屬巫歲之踐長宜自  
天而賜福芸生荔挺又新燕寢之香凝蘭檢芝封卽聽  
鋒車之衰召某承流下邑矯首公堂欲效飛鳧曾乏鳴  
琴之暇漫將短繭少旌貢轍之勤不盡慶言仰丐台察

賀洪憲

聽

冬至劄

綵綫添長默驗一陽之復繡衣倚重喜迎百福之升與

和氣游爲君子賀恭惟某官孔孟學問皋伊事功行政  
以仁布陽春而有腳祥刑惟恤種陰德以無心盍垂紳  
槐棘之庭暫植節蓬萊之島屬茲亞歲宜擁繁禧初九  
元吉之爻以占道長十行細書之詔亟趣公歸某叨備  
承流首宜展慶已勞於事莫陪下客以稱觴情見乎詞  
聊效古人之獻履

賀三倅冬至劄

本堂文集卷六十九

二

葭管浮輕初驗復陽之長筮筭倚重喜迎泰社之來吾  
道遂亨君子胥賀恭惟某官詩書孔孟事業皋伊金鐵  
鏃錚自協黃鐘之雅雪霜凜烈中存繡景之長盍相先  
班筍之雲霄暫分占蓬萊之風月字甫題於別駕狀已  
藉於中書屬此踐長直惟受祐雷在地中復已占生意  
之充周人從日邊來卽拜恩言之繾綣某承流下邑繳

福昌辰欲效飛鳧曾乏鳴琴之暇漫驅短繭少旌貢獻  
之勤

賀諸廳冬至劄

陰極陽生時維小至道隨氣長慶以大來是爲君子之  
亨敢集輿人之誦恭惟某官孔顏禮樂稷禹詩書聞譽  
施身合黃鐘而交作經綸滿腹與繡綫以相長盍彈冠  
玉筍之班暫飛佩蓬萊之島屬茲亞歲萃正繁禧初九  
元吉之爻已占於復十行細書之詔式遄其歸某叨備  
承流亟宜修慶裝懷謀訴阻陪下客以稱觴無味話言  
聊贄古人之獻履一忱寅禱萬乞丙原

賀王大資冬至劄

本堂集卷六十九

三

陽回冬琯天道之常春報午橋君子所履茂對生機之  
動實關休運之開恭惟某官善類景星斯文元氣范公  
遂相將坐致於太平永叔遽歸尤欲全於晚節時不可  
爲而盛已迹雖若否而實亨適當近福以踐長益見安  
身而崇德靜中消息委心造物之乘除閒裏光陰送目  
浮雲之來往某溥其令印近只師牆拆綫短才素不工  
於獻職寫襟數語聊可當於搗衣不盡賀忱仰丐鈞察  
賀前人次子

除籍田令劄

某恭審簡知龍展覃渥鯉庭職在春官養名門之雅望

詔從畫里增晚節之清歡吾道之亨善類斯賀恭惟某  
官精誠曠日氣象泰山呂家捧玉於堂前已占獨相晉  
國植槐於庭下久屬二郎口有餘不盡之功名付自知  
必貴之子弟亦天所命惟德之昌信於口運以相關不  
負清朝之妙選某密依大庇喜聽新除諜訴叢叢莫造  
萬石君之第頌言草草漫馳一介使之書

賀饒帥元正加太尉卿依舊任劄

某恭審升華外府晉直西清花綬恩榮豔新春之雨露  
碧幢號令起舊部之風雷除音載敷賀笏交舉恭惟某  
官九分地位三代上人止水無波瑩一清之到底高空

本堂文集卷六十九

四

有月儼大道之獨行表裏無得而瑕疵出處具存於策  
獲曩由西節來帥東藩士飽而歌頓釋後蘇之慮人飢  
者活隨招半菽之魂既奉最於十連盍躋榮於四緊然  
帝念豐沛之地充不見治縱吏有糞黃其人孰能爲大  
惟大材碩學足以節治惟清德重望足以鎮浮爰超列  
棘之班不改甘棠之憩寇恂少留河內弗奪民情蕭何  
久撫關中可知上意倚頒環召式副輿瞻某感極知心  
喜聆除目泰道自今而已長式慶遭逢德星在度而未  
移尙私臨照

賀帥府以下諸司正旦劄

葭瑄春回不對三陽之泰蓬萊雲近俄迎百福之升吾  
道以亨明時斯慶恭惟某官秀鍾光嶽名揭堪輿造化  
經綸獨妙濂翁之太極聖賢氣象人瞻程子之春風與  
上下而同流嘉穀之來備卦當十變占曰彙征詔出  
九重副乃時舉某琴鳴不韻廈覆爲安頌壽柏於三朝  
阻隨未綴贄心香之一瓣僭徹中涓干冒嚴威仰丐台  
察

賀浙東洪憲稿除度支劄

茲審底績憲臺躋班度部洪鈞氣轉斂一道之風霜紫  
詔泥香帶九天之雨露得輿之慶舉笏者齊恭惟某官

本堂文集卷六十九

五

閒氣所都正學以世忠節義之懿得所同心齋議論之  
公如其口出以真踐履爲實事功慨然孟博之登車志  
在濂溪之澤物玉壺清澈汚吏望而毛寒水鑑平明小  
人得以情白山獄動搖於一出神功收斂而若無積勤  
夜室之思趣入星闈之列其參國計以表時紳此民此  
財用之言足行儒術幾獄幾錢穀之間併簡帝心某喜  
聽晉除阻陪旅賀門牆並受有緣在履屐之間中外雖  
殊何往非併幪之地

賀潛京尹說除戶侍劄

恭審疏綸天闕疊組地官公則自明輦轂肅清風之扇

整然後暇版曹資餘刃之游凡有識知交相慶抃恭惟  
某官渾身顏孟當世臯夔人傑地靈立天壁兩峯之上  
體宏用博在周禮一部之中況加踐履之真純所在勳  
名之掀揭比由水漕升鎮日畿獄市叢難拂刀芒而牛  
解山棚挺警動弓影而發號燧如包老之神明綽有歐  
公之風采帝思國計本係民曹方上下以利交征不堪  
著眼而東南之力以竭何忍及膚是非俗吏之所知必  
得真儒而後託庶其仁義之澤行乎財賦之間兼領有  
餘大任伊邇某強顏學製束手治勞幸嘗接迹於龍門  
欣聽除音於驛置爲簿書法律之所繫莫旅賀裾知本  
末源流之有關正觀造化

賀馬觀文除知院兼參政劄

恭詠進位機庭參行政地輿情交慶幸大老之東歸局  
面更新信蒼生之有福謙辭雖固渙號莫回恭惟某官  
宇宙眞儒國家元氣暗室漏屋之際可質鬼神婦人小  
子之微亦知姓字自昔能任太平之責當世必得非常  
之賢有如我公實負時望翳天章之筆札有賜深屬希  
文而大名之管鑰當嚴敢煩寇老轉斗樞於天地縮符  
玉於江東上以副豐芑之貽下以慰甘棠之愛然而川  
猶未濟頗知舟楫之用遲□□雨盍遍蘇□□雲霓之

望切乃口歸班於兩社亦曰繼志於先皇行且相卿大  
耐官職察州雖勤於請老固欲自全慶麻方急於用賢  
舍其誰與況世道何如其膠轡惟舊臣相與以維持善  
類雖未至於邀駒而少英概姦朋雖莫能爲鬼蜮而多  
宿根民生益見其彫虛軍氣未聞其壯銳邊聲屢警不  
聞乎秋草馬肥之期盜弄猶■或起於粒米狼戾之地  
仙枰豈無活著上醫必有良方夙學盡行中興可冀某  
承流下邑引睇仞牆舊矣從遊未能爲無書之劉子聞  
而欣賀亦惟效通啟之老蘇

賀常浙漕楸除檢正兼戶侍劄

本堂文集卷六十九

七

某懼瀆峻嚴敢略長敘首所鑒宥某伏自去秋稟違仞  
牆學製山邑塵埃倥偬雖不能修五雲閣敬然無一日  
不竊照福星則無一日不拱揖北斗也某茲者恭審陞  
班宰旅進貳地官局面方新旣極中外人才之選版圖  
猶舊更欲東南民力之蘇綸命載敷輿情交慶恭惟某  
官兩閒清氣三代上人須當要路之在前身謀則綏乃  
以崇臺而近闕帝眷良深而況清望之門蒼生所屬朝  
廷有道交任責於太平君子得時正力行於好事旣躋  
緊地併賴寬分佗由簪橐之聯就正鈞衡之位某一愚

成癖百里非才云云

原注云直下敘戶部  
差專人主事等事

回紹興僉判陳狀元文龍到任通劄

某恭審綠綈疏寵烏府借賢仙第一人便欲遨遊於蓬  
島湖三百里不妨依泛於蓮香吾儒之榮世道斯幸恭  
惟某官秀鍾奎壁學貫濂伊選置諸生了無同父麤疏  
之氣擢魁多士安有堯咨驕傲之心皇知世味之酸鹹  
自得家風之醞藉昔在左相自註云乾道中陳俊卿表於中興奏

五色雲雖此身已當於昌運放一頭地故造物又屬之  
蘭孫自日邊聽臚唱之在前而天下信君子之有後正  
宜獵獵而上方且遲遲其行眾競進貪婪蟻戴粒而輒  
抃臣無心富貴鳳覽輝而猶翔望之者傾淵乎所蓄茲

本堂文集卷六十九

八

來遊於東鎮以增重於南陽然屈魁彥以爲賓寮特循  
舊典非他官之親吏事實示優恩倘蒙勞非所憚爲謂  
參佐欲其有補則壁書自警不求橫浦一日之安道院  
相驩仍理晦庵諸生之課試小推其毫末皆大用之規  
模時來則爲綽有餘裕某信迂成癖嗜古如飴苦無他  
求本是山林之性貧不自活勉爲場屋之遊偶然得官  
及此試吏雲泥雖異幸已償一識之心原注云唱名後曾見之風  
雨有依或者如相知之素其爲歸倚罔旣敷宣

賀淮東曹總領元發除浙漕繳劄

某伏以風露氣清乾坤水淨恭惟某官倚雲植節列城



傾心帝有恩言天維顯相台候動止萬福某三薰心九  
頓首奏記籤府仰祈鑒省某竊惟福書所臨十五城之  
一民一物均在敷錫之下至江神海若亦莫不各以其  
職來爲先後禦侮而區區小吏猶爲鼎禱致禱者敬上  
之忱有不容自己也某恭惟某官顏孟之本領舉伊之  
規模周程朱張之踐履講貫其所積者厚其所發者豐  
中外厯敷可企而不可及是宜朝夕王所使有所裨益  
比者上念江淮餉師事重煩公一行裁出刃芒卽收功  
最追鋒亟召特委以密要之任適謀畿漕弄印者久未  
得人如子駿者於是以彼易此蓋以京師天下之本根

所繫尤大不然則爲輕內重外朝廷處之審矣然丹屏  
紫極之間往往虛席此豈久稽地邪某非佞某矯首當  
代龍門讀了齋先生責沈文久矣霄垠異趣末由望履  
幕下景景此心不自意斯今得執蒲壁以序屬吏之後  
某惠徽天幸某甬東一書生耳苦味嘗備中年始竊奉  
常第叨席鷺嶼於本色上冀一溉之益誤知諸老交上  
公車東轅西轍仕也學在其中矣僥倖試令古劍而風  
俗流弊邑計彫落大非昔比不敢悔咎極力支拄僅收  
拾大綱二天在上驅策之不失其性假借之以成其志  
或得稍自著見於照臨之下某端笏以請某駢儷之語

非所長然今人貴之以事尊大否則謂之不敬輒鳴瓦  
釜於簫韶之旁辱流電榮甚某揆分有截不敢躡申上  
界列仙寶輯起居間服在奔奏凡有指使拱俟行下

賀劉倉

良浙東帥劄

某恭審龍陛疏口麟垣疊組旄倪七郡方鼓舞於褰帷  
臺閭一家更從容於游刃觀聽所至精采一新恭惟某  
官揭斗之光維巖其望接起舍先生之裔斯道有傳居  
水心老子之邦其文可法以大規模而用世有實事業  
之過人比屬輔畿又虛英錫謂東南之力已竭何忍割  
膚而上下以利交征誰能噴舌爰極儒流之選要令仁  
術之行會幾何時甚稱上意亟謀元帥宜代者誰豈無  
他人非公不可清轡自爲之振肅輕裘復見其優游恩  
信之洽而袴襦易歌號令之新而旗幟改色續荒政錄  
不特壽朱晦翁之心記清白堂又將廣范希文之志柄  
用伊邇輿頌攸歸某喜聽除音欣陪賀履先生在上旣  
不辭間俗之勞下邑承流知必諒催科之拙

本堂先生文集卷之七十

劄子

回曠人朱節判餽食物劄

伏以咫尺菊天西風漸緊恭惟某官需榮望幕人物後  
先台候動止萬福某稍疏參晤瓣香玉繩塵埃埋頭無  
復箋候劃飛寶染媿感眷謙恭惟某官清標映世粹學  
倡儒積芳六瑄之中躡步羣仙之上凌青沂紫便合輝  
漢閣之夜藜泛綠依紅自歌賦池塘之青草所培益口  
其進可量某非佞某猥以非才濫茲初考端出錦覆玉  
成之賜末由控謝乃辱頌言且拜寵餽之頒以爲寒庖  
之賁盛意所逮本不當辭第某到此未嘗敢受貴寓之  
施使令而登嘉則或者有辭是用情告返璧與饜飶等  
當蒙矜宥草草申復尚容面謝

回專官張帥幹招宴劄

某拙政雖勞喜借雷霆之銳清談既接重貽月露之聯  
將厚意其何勤秩初筵而口口良爲多感豈宜固辭陶  
菊猶香知今夜人情之非別潘花共醉看春風城郭之  
相新餘懷所存俟面以罄

回全閣贊劄

某久矣望五雲樓閣越在天表念煙火食人莫能飛一

鳥以揖停鸞翠竹之標新秋好風忽落雲錦牒訴倥偬  
中蕭襟展誦自不知其欣快爲何如恭惟某官家隆萬  
石氣壓五侯喬木重陰梟雲天而相接芳蘭發秀懷秋  
氣以俱高生賢德於名門實聖朝之上瑞時乎可仕雖  
暫尼而又行風則不停宜益深於所養帝心夙簡召命  
隨班某學製雪溪尙逃曠敗實藉層霄之庇茲承寵喻  
尤切謙摛且致府檄之嚴乃事末耳詎庸鄭重如此謹  
已惟命之承勤此仰酬主書

賀南倅劄

某惟世之屬封吏事半刺史例終修駢緘爲贅然非所

本堂文集卷七十

二

以寫眞敬奉名流某用是不敢套瀆首乞涵宥某斂衽  
揭日之名瓣香半生茲者恭審駕言屏星來照鏡水蓬  
雲相近不妨詩酒之從容松雪一清已覺塵埃之辟易  
南樓壯觀東府尊榮恭惟某官學問培其本根文章燦  
其枝葉徘徊馭歷不競時流挾雙溪八詠之風月分佐  
越閫精采燿燿在關決閒矣去天尺五康沂之歌易騰  
其容暖席耶某拙而聽除音也某非才試劇懷懷未來  
道義之宗今茲臨照某知有泰山矣凡百當陸續申陳  
使下邑奉行快活條貫今而後也因賀有請

賀劉帥良貴陸直寶章閣兼浙東倉劄

恭審肅開閭府仍建庾臺天顧東郊暫借經綸之手地  
通內閣須增節鉞之光局面仍然輿情快甚恭惟某官  
學兼體用望表縉紳如忠肅之先實後文有真器識如  
諫議之當官處事恰好稱停源流既浚於江河基本復  
培於嵩華比膺恩綍載驟軺車觀風問俗以爲先盡回  
春意羨海摘山而抑末盃析秋毫誰其建藩久矣弄印  
餘刃不妨於遊戲輕裘但見其從容既就熟而駕輕當  
爲真而何假清班峻直上千奎壁之光躔大纛高牙下  
鎮女牛之分野民隱口口於慈父吏饗盡革於嚴師范  
老甲兵易爲鎮服晦翁條畫多見舉行第施正大之實  
規足副登榮之初意某承流何幸贊喜尤深鞅掌自勞  
望龍門而莫近幘幪所及覺燕廈之彌寬

壽王大資大酺詞繳劄

某茲者共審麟書記瑞龜算增長一點梅春會天地沖  
和之氣十分橘景口園林清勝之游萬方具瞻大老獨  
樂恭惟某官精神雪月根本華嵩慶厯之車舉行太平  
可待元祐之舟偏重勇退不疑公議噴其口賢同列哆  
其爲激徒重紫宸之眷莫回綠野之歸雖脫灑功名久  
已無情於軒冕然主盟道盜均爲有益於國家既萬鐘  
之祿莫加其身則五福之壽宜歸於德撫孤松而未老

倚脩竹而長青亦豈有待以爲高耶未知何樂可以代  
此坐領香山之會父老相譔笑看家慶之圖兒孫有福  
某蒙知有厚旅賀宜先政拙而勞趨進莫乘於暇日禮  
簡而敬誦歌聊託於清風倘辱采留不勝榮幸

通浙東家憲

鈔翁

某伏以孟冬之月生意所根恭惟某官直指風行列城  
雷竦穹示口迪台候動止萬福某齋宿而後敢奏記於  
典史氏仰祈鑒宥某輒律稽彝具嚴甲染天生英儒以  
主盟斯文司命下土雖使華所向噓陽吸陰自我寒燠  
然鼎餼袞衣之奉某猶不能不與七州四十三縣之旌

本堂文集卷七十

四

倪望塵加頰爲執者祝某茲審疏渥宸庭詳刑關輔泰  
茅一拔知天地之必春節簞載馳與風霜而俱肅世道  
幸甚人情快哉恭惟某官精神足以強本朝力量足以  
幹世運文雅足以飾治體蓋相口口丹屏紫極閒振揚  
家學展盡素蘊以福天下上願浙河之左臬事尤重而  
弄印滋久其命以禮樂遣公姑爲此行一札召還置諸  
左右善類延頸某聞昔三蘇父子始來京師當世人士  
無閒賢否皆願爲之交識某幸從長公遊

原注云景定辛酉壬戌爲

湖南帥準與機家桂翁爲同僚

每夤緣進拜老先生堂下因循歲月祇

重責沈之媿天開機幸茲得以屬邑小吏受容察於上

臺某鼓帶自慶某甬東末學竊服師友緒餘仕未能信  
學政古剡一考而餘恐負初心洗手奉法不敢毫末自  
戾世道弗競岌其殆哉忽戴三天寶獲私心敢不益自  
洗濯以仰承條教某下情無任惓惓某敬修儷詞以嚴  
事上之禮滓穢奎壁一盼榮甚某仰瞻上界僇佺環鞞  
戩穀輪囷有問斯僭凡有驅役拱俟行下

壽趙巖起婺守右撰

孟傳

水龍吟詞繳劄

某茲者恭審斗占建亥月記生申十洲三島而來神仙  
不老八詠雙溪之上風月無邊慶事鼎新閩郡壯觀恭  
惟某官魯衛公子向歆帝臣棣鄂輝煌共享平和之福

本堂文集卷七十

五

萊廚淡薄爭趨寬厚之風惟雅自然不羣處家得所最  
樂翩其口口飛傍九霄縮彼魚符惠及千里聞旄倪之  
相語願父母之永年可想幽風喜祝兜觥之酒第虞唐  
詔催調鑾殿之羹某蒙知最深留賀敢後與法律簿書  
而從事夙夜靡遑依宮商角徵羽以成章詠歌不足

某上 嶼縣催科劄

一

某

某

某

某

某

某

某

某

某

某

某

某

某

某

某謂爲縣令者催科有三等不待催而爭先輸以爲縣  
令計者上也待催而後輸而縣令猶得以應綱解之急  
者次也催而不輸委曲而不願坐視縣令之受煎烹者  
斯下矣上焉者相信而不言非某所敢望然望其次焉

者今而某於斯邑也知所以催上戶而上戶或不之相  
體思所以寬小民而小民反不得寬蓋板曹使府之取  
解不復如疇昔分限之稍輕其督責不復如尋常申陳  
之可展端公專卒銀牌紫袋散星而下空一縣之吏追  
去猶以爲未足獨留繆令與二三藍縷貼胥栖栖然無  
所措手上戶旣不盡樂輸未免殃小弱豈得已也悄悄  
之勞慨慨之忱乃得爲下下之令初心謂何某於諸寓  
貴也授之以冊寬之以限禮勸以牒呈至於屢牒傳語  
以廳造至於屢遣而略略破限與略不納破者尙多也  
今歲且晏矣綱解無所措辦有如帑庫陳積之多腐幹  
僕兜掩之無饜何忍不爲縣道計爲名門計哉茲刷呈  
欠數嚴飭盛幹一頓送納猶受賜也出於下下規模事  
迫言繁勿以爲過切祈台照

賀劉帥

良

貴元旦劄

某伏以鳳厓開端日從元起麟垣回暖福與民同繁景  
運之適當宜歡聲之交暢恭惟某官才兼文武學貫聖  
賢立百吏於春冰陽明用事納羣生於和氣造化無功  
盍躋紫府以調元暫擁碧幢而出鎮歲華更始川祿彌  
隆泰吉而亨式契著圓之卜鼎烹以待此膺芝檢之頒

某幸忝承流莫遑稱壽蓬萊在望但知化日之舒長桃



李不言自受光風之披拂

賀家憲元旦劄

寶厓開端剛勝柔而爲泰繡臺將指道與泰而俱升生  
意輪困歡聲砰隱恭惟某官威行漢節功懋虞刑義在  
平反種無心之陰德志存利濟散有腳之陽春會此亨  
嘉宜於戩穀玩初爻之茅茹吉不待占頌一札之芝泥  
行將入覲某承流瑣瑣稱壽拳拳雲近蓬萊想見優游  
而永日縣栽桃李願言鼓舞於韶風不盡慶言

賀三倅元旦劄

聲和簇律正夏厓之朔元春滿篔簹布東皇之陽澤昌  
期適應喜色相新恭惟某官宇宙英儒斗山重望惟分  
半判肅冰霜懍懍之威盡贊寬條暢天地生生之德盍  
調元於化地暫別駕於仙山對此三朝宜乎百福象玩  
初爻之茅茹吉不待占鳳飛一札之芝泥行將入覲某  
密依臨照尤切欣瞻雲近蓬萊想見優游而永日縣栽  
桃李願言鼓舞於春風不盡慶言

賀諸廳正旦劄

歲更而始可知天序之常道吉而亨是爲君子之泰有  
開昌運胥動歡聲恭惟某官學問濂伊功名韓范事皆  
中節散五風十雨於人間物與爲春納萬壑千巖於胸

次履端之地錫福於天連茹之象在初惠乘正氣傳相  
之燕伊邇詩趣清光某夏屋是依春規又轉蓬萊望近  
更祈化日之舒長桃李栽成正賴仁風之披拂

賀王大資正旦劄

鳳麻頌新屬青陽之開動鹿裘轉煥暢綠野之逍遙大  
人吉亨五福來備恭惟某官家山稷高人世松喬學貫  
先天袖整頓乾坤之手心爲太極開往來否泰之基豈  
徒求志於隱居亦曰安身而崇德履端之地乎佑於天  
三百六旬而朞又從今始萬有千歲之壽蓋引而伸

上劉帥劄

本堂文集卷七十

八

某懼瀆峻嚴不敢套敘區區元正之賀且已端飭彙箋  
亦不復贅等祈鑒宥某試令雪溪遭逢閩府寬大又已  
收置門牆輒不自揣激昂思報而刺之人多狡而獷善  
依憑工譁訐某又無踐履之實以信之涵養之學以容  
之吠聲射影窺閒視隙者久矣近因一二吏就逮投機  
相慶以去某爲度惟賴鎮之以泰山限之以鐵壁委曲  
回護而恐其穿於險反覆教誨而恐其岐於罪古聖賢  
所以與人不求備嘉善矜不能之意備見於山筆之下  
故紛紛者僅焉退帖岌岌者遂免齏粉每觀縣壁記十  
數政來惟苟焉徇焉者善脫一有剔刷必至傷敗某於

今日乃猶全存則知師門之用力大有造化某久欲獨  
潔申陳上以謝公道下以謝私恩爲前日詞詆之交疑  
似之際含沙怪月之徒百十爲羣明障絕於路途陰聽  
訪於簾壁人書皆不得達通州縣之人知之卽非節說  
張皇茲幸天開日明風止浪息方敢以萬一申上竊惟  
尊慈聞之當惻然動心不以簡慢罪某非木非石有寸  
丹在歲寒而後見豈泓穎能寫

回剡學職請講劄

原注云庚午二月望

正席而講實關風化之機盍簪以盟乃屬塵埃之吏揆  
心未信聞命斯驚昔鵝湖之期一見賦詩而已議虎皮

之徹自知說易之未然蓋斯文之所存雖諸老而難任  
豈伊淺學而可妄爲伏惟學長朝奉暨諸正奏狀元挾  
兩溪青叢四山秀典刑儼雅皆日暮倚竹之標氣象從  
容有春午傍花之趣來遊鄉校思泳聖涯將令田芑之  
新已免園蔬之鞠謂廣文樂爲之闡導亦旣三年謂邑  
令相與以綱維可無片語雖不我鄙如非人何某重拂  
盛心勉陳膚說惟數學半庶是否之有歸好爲人師非  
空疏之所敢

謝剡帥舉陞陟繳劄

某區區推謝之忱已飭吏檣茲敢泝以手澤瀆聽首祈

鑿宥某潢潦之學無柱腹書藜藿之生無食肉相沐口  
一第偶脫選坑抱琴雪溪不諧時調分在五鼓推去之  
列遭逢詩書元帥以海口納江河以古眼收壘洗浙以  
東騰邑最者紛紛森森而某先被薦墨獎拂袞華不惟  
旁觀見訝某亦莫知其所以也儷語以道激烈固非門  
牆所取然舍是又無以寓忱手草一啟唐突大方鍾呂  
之側忽聆蛙奏當爲孤寒一噓某此身旣班桃李寸梗  
急灘日有憑依惟師慈之始終之某再拜

本堂文集卷七十

十

本堂先生文集卷之七  
一第偶脫選坑抱琴雪溪不諧時調分在五鼓推去之  
列遭逢詩書元帥以海口納江河以古眼收壘洗浙以  
東騰邑最者紛紛森森而某先被薦墨獎拂袞華不惟  
旁觀見訝某亦莫知其所以也儷語以道激烈固非門  
牆所取然舍是又無以寓忱手草一啟唐突大方鍾呂  
之側忽聆蛙奏當爲孤寒一噓某此身旣班桃李寸梗  
急灘日有憑依惟師慈之始終之某再拜

本堂先生文集卷之七十一

劄子

謝京尹潛戶侍

說友

舉繳劄

某區區推謝之私已飭圓橫茲有餘忱敢以手畢控首  
祈鑒宥某山林之痼無時世妝藜藿之瘠無食肉相非  
才入仕觸事面牆斂然自量過者誰顧先生方以狄公  
藥籠李公龍門收拾天下英俊一盼其青乃屬之某旁  
觀者訝俗流謂何初意圖在屐履閒周旋造物阻之得  
邑浙東去光隲三百里而遠而猶以正供奉約束且於  
左右本未嘗相離也故得恃以爲泰山底柱凡有應接  
凡所請祈頻焉而忘其瀆方焉而忘其忤懍懍乎亦自  
分其罪斥之必及大化塊圪春風無私吹上九霄期待  
加等恍不知今日爲何日此身爲何身也感烈之餘輒  
因心原駢成數語以上于師聽蒙賜覽擲乃榮乃幸若  
夫歸倚之情豈筆舌能究

賀劉帥除太府卿尋除直華文閣劄

某恭審陞華外府晉直西口花綬口榮新層霄之雨露  
碧幢號令起舊部之風雷言綸載敷賀笏交舉恭惟某  
官身都元氣心會六經擅韓斗之聲名學見於用充傳  
巖之抱負時來則爲

原注云劉號斗巖

由造物之篤生繫天下

之重望比將受節旋秉師符拯救有方再續朱晦翁之  
錄寬嚴中度相安趙清獻之規豔天寵之優隆峻月卿  
之清近帝以東節令之南陽將使改弦未必嗣音之好  
不如熟局更收活著之功盜頓鋒車仍迂玉帳旗纛愈  
增於晶采襦袴益沸於歌謠苟有利於國家又何閒於  
中外寇恂少留河內弗奪民情蕭何又鎮關中可知上  
意倚需環召式副輿瞻某喜聽除音阻陪賀履百里之  
行方半難自達於平康二天之有尚私庶無虞於凌震  
賀紹興鞏倅桂除浙東帥參劄

某託盟門牆非他人比不敢用套狀首祈涵宥某茲者

恭審疏榮恩陞領議籌帷風月清明留下北樓之好樣  
湖山搖動溥爲東浙之晶光上分得賢觀聽動色某受  
知孔厚竊庇又新自矜迂拙之蹤乃積遭逢之幸其爲  
欣躍實倍等倫亟此申賀

賀紹興朱倅

洵劄

某恭審朝廷出綍望府題輿地極清高專美北樓之風  
月人推名勝增輝東越之山川其在照臨維多慶抃恭  
惟某官藍田光價丹穴羽儀道有的傳會關洛諸公之  
極文皆實用涵武夷九曲之清視弓冶而益工此規模

其獨正粵從影組交播行碑盍置之臺閣之閒以慰彼

縉紳之望上謂晦翁之仕國尤重於時喜有聞孫之承  
家宜遊其地

原注云朱乃文公之曾孫  
銓之子文公嘗爲浙東倉

駕言別乘簡在

宸衷揭胸中鏡以燭藩條出肘後方以蘇民瘼康功之  
歌斯起治狀之籍隨書能久居乎望蓬萊之雲近固將  
朝也覺蘭檢之香浮某辛苦書生僥逾末第方抱琴而  
至已難行學愛之心及張瑟而調而終窘拙勞之態必  
居上者包荒以容德庶爲下者竭節而無虞思戴仁天  
若爲道地州縣一家之密脈絡貫通門牆數仞之高夢  
魂先到不盡賀意寄諸無言

### 答趙權巡劄

本堂文集卷七十一

三

某伏以華裾織翠駕言訪戴之遊金籀琳琅胥動厄陳  
之歎偶然相值兩無奈何嘗謂以貧爲常君子固守窮  
之義周人之急仁者有助愛之心然於二者之間難以  
一概而論顏魯公適無米且將乞之不嫌監河侯未得  
金雖欲貸而何以必相孚於實意斯不愧於古人有載  
來教之章深動常飢之念雖莫能解劍而指廩而口宜  
子粟而分金然問之帑庾之餘惟四壁立謀諸室家之  
蓄雖長物無苟非知我之深鮮不議其爲吝徒爲太息  
勉答空書願相厄哉竊比生魚之范子豈長貧者知將

騎鶴於揚州

賀家憲除都官郎中仍舊任劄

某竊伏山縣側聞邸狀恭審疇庸霜節司隸秋聯天詔  
一飛方重列城之攀戀星軺再頓具孚舊部之觀瞻豈  
惟浙東實係天下先生以體用一貫之學宗主諸賢之  
盟紫皇簡知謂世變俗薄官飭吏饕所以續本朝之仁  
立生民之命滔滔者視爲何事而況去天尺五根本當  
培非冰雪其嚴足以凜列塵濁水月其明足以燭照隱  
幽權衡其平足以稱停輕重山岳其鎮足以摧壓浮薄  
何以福一道此禮樂六轡之遺不輕屬也邇來趣君某  
固知當爲民復留然柄用亦匪朝伊夕耳某忝在門下  
弟子列方此羣噪交攻百短畢露二天之覆造化者殆  
爲之地其雀躍之私非流俗能喻輒修尺狀仰瀆賀口  
不敢用套頌

回錢清卿宣使劄

某久不修五雲閣敬山峻斗明寸忱瞻嚮伏拜寶帖謙  
光燁然何以蒙稱寵諭和顧人夫事仰仞牆不鄙使令  
之盛意然高明虛受不敢不以忱控邑民自去年冬初  
已艱食忍飢今又爲連雨所損正爾徬徨本縣不敢妄  
起一夫且冬作正殷亦難於妨農況潭夫旣出錢自顧  
猶可及民萬一官司行移則實反成虛費而百姓亦且



望而畏避矣坐是不克仰遵約束某既蒙厚子又有一說以獻今春事既興田地間皆麥皆麻正恐傷動不惟民無暇也竊計可緩者雲廈之修造而農事不可不急少遲吉用秋成之後而役之亦盛事此區區之忠不避煩瀆倘蒙領略百里在春風中矣

答全察使

槐

第二劄

某恐滓峻嚴敢略長敘首祈涵宥某昨被寶緘不鄙賜諭繼嘗具公牘繳以尺箋備陳委折於高明之前區區無他爲相文四一家二百指請命耳既及旬餘忽聞及城而爲有力者夜半負而走且聞縣兵見訴於會稽猶

本堂文集卷七十一

五

未直也坐此過蒙台慈游頌嚴戒踟躕良深某一介小吏望雲閣在九霄上尋常瞻望而不可得況有所以命何敢不盡力奉承第此事大有難言不容不告相文四相華兄弟自隔六世各籍異財略無干涉只緣相華業蕩廢既盡垂涎相文四之麤給餽粥乞取之不足從而妄取以投大府府司尙欠契勘遽以聞聽玉竊知府門素不受人妄獻陂量甚欲聽人盡言於是以小民之無告爲瀆自謂委折一達冰鑑不惟相文四之家可以更生而某之苦口將蒙喜顏色俯從之不暇豈料清平世界姦宄窺伺奪其書滅其實上以過陽春生物之路下

以口燭火助日之心然相文四大情不過如此不得不  
更具申惟乞特達放釋容某縱相文四以歌舞盛德懲  
相華等以警戒其虛妄是斥太山之毫髮而相文四之  
父子妻奴百世恩主也某炷香西望不勝拳拳

答前人第三劄

某一介小吏雖未獲瞻光符然近屢蒙賜以昇緘諭以  
公事是眷知已深矣區區之懷敢不終白某實以真心  
體承使令實欲以好事助成盛德天日之上不可誣也  
而府門左右或以瑣瑣利便上累冰聽至勞嚴命再四  
相文四卽是良民有彼相文五相管籍中僅有五斗二

升安得有產業在戶窮極計生取族人之家業投獻在  
高明可一見而決相華真可誅相文四真可憫台旨所  
以委曲令某契勘者固欲求是非之的以爲去取之判  
使某以流俗之見依阿苟徇不爲名聞究竟分曉是僕  
妾之道豈不辱明教負鞭策哉府門基業如山不較一  
撮土之多小民得尺寸田地刀耕火種則半飢半餓可  
以羸延氣息仁人聞之相文四一家二十口動心興憐  
何忍奪之一狀申聞敢乞過目特筆住行不然則終敢  
以小忠自獻某俯伏萬罪

某馮恃師慈輒有屑瀆某伏自比者琅函寶墨寵答恩勤奎壁分輝塵賤動色繼此日困於橫逆之來無從狀謝某非才學製僥倖兩年三箇月矣未嘗敢生事以邀功行怪事以干譽我職分內事不敢不力貴勢佔民之產奪學田事蒙崇臺主盟之造已覺小定而今焉爲一稍子方元四者屢不伏差使輒當案咆哮未及斷閒適錢東巖之子帥幹宅眷過邑其黨因兜乘載投勢擒去縣卒帥幹者乃爲稍子所使倚居上幕借助王邸反委以打劫訴於府追吏卒空一縣且對移徐尉以指使而鞠勘吏卒方嚴所以區處某者未測今日之毒積有日

矣錢卿一譁幹董奎在剗爲虎頭名百家幹掀舞萬狀擾害一邑奪占馬氏產私擒馬氏子陵辱體究官於地

頭騰訴縣官吏於臺部某因申前帥

原注云  
饒應龍

編置之既

而逃回益以橫某收之囹圄鎖之塞下錢卿深憾之故

欲借此事以修怨而不自知其爲紀綱已壞觀聽便別

強幹俾僕譁黨姦儔昔避者今于矣昔伏者今揚揚

矣於臺於府撰不根之詞反無理之訟今紛紛矣綱解

之督促文移之應酬日不暇給而催吏僅四名就逮一

在病行案吏亦止四五輩被追者二而餘皆散亡而專

兵數十爲羣橫行於市動以廣捕爲名廂役之徒烏驚

獸竄晝無庭立夜無廳宿某獨手破印咄咄怪事同官悠悠耳獨趙簿

原注云必葑同郡慈溪人

猶能張吾軍共勞苦全府

二事方懷不平而錢又與之合力焉以去某為度某自知為當去但令無自去之理而帥坐

原注云劉良貴

亦未必遽

使去萬一牽制因循則有甚掣肘者諸貴勢既虎視其

旁一稍子亦鴟張於下如此景象亦難立腳措手若曰

架漏支撐苟且歲月初志謂何知已謂何或謂某當直

達之元老一則恐近僭一則恐口名如蒙密庸之造矜

其執而不化拙而無他力賜主維使之去則得其所以

去而不為門牆之辱留則得其所以留而不負民社之

本堂文集卷七十一

八

寄則某終身根本在此一節

上京尹潛戶侍

說劄友

某事師門如子事父凡事惟直述某既受異知懷懷弗

稱而未嘗敢行怪令偶忤貴勢者之三事適并亦知先

生處繁劇之任不當屑屑瀆聽再四籌之舍勿牆又無

以告用敢條陳一為邑之譁民相華等以族之相文四

之己業投獻於全察使槐卿三帖書屢移文委本縣扞

釘及據相文四陳狀并將官籍契勘乃知相華本無產

業特因乞覓借貸者不厭所欲舉而妄獻之某因書歷

陳其不可拒絕之者歷八十日略不見聽反將相文四

次男相開二及其孫等私自擒縛前去某遂申聞臺府乞移文全府仍追斷妄獻人仍將某案罷以謝百姓蒙憲一判甚嚴計使一判繼之使府則判呈字不復行今全府雖放相開二等而又將相文四長男相開一執留苦楚某只得追究而全府怒不已此得罪於府第一也一爲邑人張太博家幹者魏彭陵其子縣尉之弱而盜侵財物詭其主總幹之戶而瞞避賦役逃鄉而背其主家擯妻而昵其子婦某因張尉有詞除墳墓基屋外籍其田租數十石歸縣申府聞使府已特判給榜矣而魏彭又逃寨歸投全府節使允堅帥坐又帖寨放魏彭且

專人追吏索案某堅執而不發某又申臺府蒙憲使一判甚明使府亦已爲收專人及申計臺而承受懼勿敢投其魏彭方且與全府幹人王植及譁黨祝祐等百端經營必欲成其繆計訴詞方紛紛焉度帥坐亦不得已而行全節使亦非其本意特其幹人恣肆依憑此某之得罪於府第者二也一本縣係孔道朝夕有差舟之擾稍子方元四不伏差使至當廳咆哮因訊問送中門未斷治閒忽錢卿可則之子見任越之帥幹其宅眷自台過邑方元四之黨以其船攬載挾勢擒去縣雜職吳潮縛其船頭箠掠瀕死某差廳子傳語不聽委縣尉徐浚

請見又不聽既而縣卒就市拖一人至曰此船上水手也及詰之則知是帶行人隨使之去且以一劄一狀申帥幹可謂委曲存體而吳潮竟不放回至次日未免將方元四斷示稍立縣家紀綱豈謂帥幹者以福邸爲主反訴之府以爲本縣打劫追逮吏卒空一縣且對移徐尉以本府指使而鞠勘吏卒方嚴意必欲逐去縣令而後已蓋因去載錢卿有一幹人董奎者居於縣爲十虎頭名百家幹依憑掀舞流毒漲禍百里苦之前政欲口之而未能某因事斷鎖之又申前帥編置之自謂稍爲百里吐氣今日之事乃所以修怨不極不止此某得罪

於府第者三也今全錢與福邸合以去令爲度某於一去甚輕但恐徒爲摧抑牽制而不使之快活賦歸吏卒既空紀綱盡廢尙何精采可以興起視聽尙何顏面可以親近士民以兩年三箇月之工夫豪強姦妄頗爲之帖息綱解頗爲之齊整掃去白撰截定預借亦無負於教誨扶持之素而一旦理不勝勢鱣鱣舞而狐狸號非木非石如何忍受何職何事如何苟且惟去爲是而令無自去之理此所以莫知爲計也區區欲乞師慈宛轉區處全其未至敗缺之身開其尙可奔走之路此事若得元老有聞則百怪自定某欲冒昧申陳又無從可達

或蒙九鼎之重屑一轉語非惟爲某一身爲一縣爲天下立綱紀也縣事雖微關係實大惟公造是依是歸干冒峻嚴某伏楮戰汗仰丐台察

本堂文集卷七十一

十一

本堂先生文集卷之七十一終

本堂先生文集卷之七十二

劄子

與陳簽判

文劄

某辱不鄙以草木臭味相命不復贅套語首祈涵宥某久欲枉狀道衷曲於道誼主塵埃因循到今幕天在上坎坎縣奔頓以安存知感知自第迂拙不化亦其山林宿姿得百里地而宣上風化意謂可以行志到則動足掣肘富豪姦猾之徒倚聲附勢掀舞簸弄以不納稅頻訴吏相高寫鴛有死於縣令垂楚之下不敢一犯此徒之顏色故苟焉規模者皆俛首帖耳獲以全去稍自振

本堂文集卷七十二

一

厲則禍機立發某既不敢求勝又不敢求全亦非惟隨事傍理而固有不得志者含沙吹雪無日不爲摧謝令計某所望者正法眼硬脊梁鑿燭扶植於流俗之外或得以淺學自見浮雲去留不必問也世遠道散動搖春風者皆菟葵燕麥桃李亦無幾矣安觀所謂歲寒松柏中興第一宰相之後大魁嗣焉某不是之望不是之依又將誰屬屑屑喋喋不避誅斥或許其可也當陸續傾

倒

賀劉帥冬至劄

乾坤其泰占氣數於陽生節鉞所臨覺東南之春早吏



民徼福心口頌言恭惟某官學問歐曾事功韓范泰山  
喬嶽隱然雲雨變化之神和氣春風行乎冰雪嚴凝之  
日盍使經綸於帝室暫來管領於仙山屬此踐長夏其  
受祉初九之爻元吉有德者昌十行之詔細書從天而  
下某承流男邑矯首公堂日不暇於鳴琴莫遑趨進意  
厚將於貢轍亦曰寓言

賀家憲冬至劄

雲物瑞呈氣應新陽之復霜臺威振力回生意之春景  
運有開輿人相扑恭惟某官道包宇宙望重縉紳主歐  
蘇文字之盟土培正氣赴韓范功名之會民望太平肩  
迂駕於蓬萊特暫持於英蕩屬茲亞歲綏以新期初九  
元吉之爻以占道長十行細書之詔亟趣公還某叨備  
承流首宜稱慶望蓬萊而雲近烏不能飛量繡綫而日  
長轍何待獻

賀三倅冬至劄

氣應葭灰漢律巧占之最信春融泥軾西郊生意之先  
浮景運有開善類相口恭惟某官乾之行德復以修身  
發揮紙上之春雲獨神化治盤錯胷中之色綫宜補袞  
裘將趨五更三點之班姑攬萬壑千巖之勝屬茲亞歲  
錫乃純躔動以順行喜玩卦辭之吉疇若予采於膺帝

命之申某叨備承流亟宜修慶矻矻無鳴琴之暇趨進  
莫遑區區有獻韞之忱寓言而已

賀陳簽判冬至劄

一陽來復春回幾息之乾坤衆若有宗地占十分之氣  
數實開昌運胥動歡聲恭惟某官學者景星道之司命  
觀王君之賦有物筆運陶鈞聽同父之對集英氣橫天  
地仙島領縉紳之步相門催衣鉢之傳時屬踐長誕宜  
錫羨初九之爻元吉爰契卜龜十行之詔細書有來銜  
鳳某願依善類喜賀昌辰身與鳥飛苦乏鳴琴之暇才  
雖綫短漫輸貢韞之忱

賀王大資冬至劄

迎長日至陽初動於黃鐘與造物遊春先浮於綠野機  
緘微露氣象俱新恭惟某官本體臯夔閒心黃綺翻手  
早時之霖雨卻斂神功安身靜裏之乾坤獨觀生意維  
時小至有慶大來初九元吉之爻但占已易萬有千歲  
之壽交詠新聲某何幸蒙知亟宜晉賀其誰掣肘莫陪  
下客之稱觴託以寫心漫效古人之頌韞

上劉帥乞振糶疎劄

某恐師嚴凡申狀例不敢套敘首乞涵宥某以窮餓之  
餘身分撫字之下腳遭際使天寬大推而行之惟恐弗

及而終不能使慈父母之下咸遂其仁則有天在也去年風水旱交病小民飯碗不得半飽算日數刻以待二麥攙青療飢收於黃熟無三之一而比常尤薄甚坐是菜色鵠形有不忍見無已則有取債於大家就糴於市井而山間大家亦無多蓄有之者因春初價高趁時以糴縣市則所靠者浙西米舟又多厄於斷港飢口嗷嗷殘命岌岌而不爲之告非惟得罪於百姓且得罪於師門矣比雖知新昌吳宰以倉急申上隨蒙恩拯某亦欲卽援以爲請然念挨那得去則可免煩瀆豈料至今接續不去彼咨怨者叢謂刻去新昌三十里彼有官米可糴此則有錢亦無糴處安撫自欲救民知縣卻不曾奉 upper 上意羣然入詞愧無以對未免微塵仁覽欲望痛加矜憐猛賜撥發使絕糴之市忽焉狼戾垂死之民忽焉再生百里之間一飯必祝先生攜此盛德入居廟堂活青州之衆富公不得而專美也某雖是拙縣令卻是老門人斯言上徹必蒙響應某與刻之旄倪炷香請命

賀前人除司農卿兼檢正劄

某託根門牆不敢效流俗套敘首乞鑒宥某日圍層霄慶雲之下竿檣寓敬雖若少疏條教是承則爲甚密竊意師慈海涵不以時世妝望末至也茲者恭審詔以農

正長於都曹根本所關重於九卿之同列紀綱其總實  
於三省之通知公朝有光衆聽咸竦恭惟某官以淵源  
之學養高明之絕識以中和之利行寬大之本心南陽  
帝鄉東浙畿輔棠陰蔽芾玉帳晏清矣九重疇庸一札  
召入由宰旅而宰天下匪朝伊夕某非佞某阻於職守  
望賀廈燕雀徒增鼓舞無從一造函丈稟敘衷曲第迂  
拙不化狎受優容使星更臨慄慄來日尙賴告新之際  
力賜吹噓居中之時口加芘覆使泛泛漏舟獲登於岸  
實感仁造之成終也馮介眷知因賀有請伏楮戰栗

岷縣滿考謝常帥

楸劄

本堂文集卷七十二

五

某受隸玉垣卽是仞牆弟子列套敘非所以事敢去首  
祈涵宥某冰寒於水也無炙手心茶甘於齋也無食肉  
相偶焉入官及此試令雪溪古剎地今視他邑爲最難  
聲勢虎翼在左右譁訐鯨牙其上下連數政多不得善  
脫某三年之間幾仆者屢乃於垂未遭際道誼宗師繞  
照其上規模正大不以苛細取人戶庭坦夷不以深巖  
有我某因得以迂闊方拙其身與百姓相爾汝是月望  
日三下考矣造化盤礴獨取之多代者李宣敘興宗東  
陽人也來期在良月上旬去此尙遠未卜攸屆始而終  
之某再拜歸倚

岷縣滿考謝家憲劄

某無食肉相不龜手封三年雪溪簸舞於驚風怒濤中  
瀕於溺者屢矣而乃獲免終非有維楫可以憑恃也非  
有神明可以叫號也先生在上是爲二天毀之者交而  
衰薦以完固之攻之者疾而公判以摧口之有所干請  
雖繁而響答有所假借雖口而曲從是以僥倖至於今  
月望書三考矣受知如此受恩如此俯仰兩閒實未知  
所以報代者李興宗喬孔山原注云平章名行簡之外孫云來期  
在良月上旬某去此尙有兩月岸未及登永未畢渡正  
是懍懍之際師慈尙期終成焉

本堂文集卷七十二

六

岷縣滿考謝王大資劄

某下愚也欲困學而不能豁然以通弱植也欲力起而  
不能卓然以立偶然入仕及此試邑及隸錦覆之下又  
在函丈之間知愛旣殊踴躍自奮惟恐上孤師造不復  
知有他私受涵容之多而內省或不及被主張之過而  
旁觀或不孚以是倍貽曲成之慮今月望僥倖三考矣  
雖曰未登於岸而本來面目拜數仞牆或可期也代者  
李興宗已交書約良月上旬交篆如此則去剡之日尙  
遠與緊警誨語再拜終倚

回剡周口賀滿考劄

戊期瓜熟驚言歸兮辱命楮生辭曰賀我驚過情之可  
恥荷陳誼之特高爲政不難終三年而勞拙荷將無恐  
得萬庾之帡幪圖致謝懷反勤慶語斯邑以吾爲長所  
以納交君子臨別贈言願安承教

回新昌吳宰

君佐

餽滿考劄

瓜戍旣圓將返雪溪之棹花封相近忽貽雲朵之箋燦  
臺篚之分來劃羅門之乍破認意孔厚揆已非宜汗顏  
甲而拜登鏤心銘而知感山青水綠猶阻謝於琴簾月  
白風清或尋盟於尊酒敬先申覆仰冀丙原

峽滿回縣察載酒劄

本堂文集卷七十二

七

瓜戍終更旋解雪舟之纜花城寅協劃飛雲朵之箋謂  
如水之交甚真而載酒之約孔厚受則媿於過禮卻則  
近於不情終恐賜旋勉當拜辱一日長乎爾有古道以  
相誠諸君賀我耶以歲寒而爲報

回刻學請講劄

某困矣而無所知勉矣而無所名比者不我鄙夷輒使  
鋪說舊聞正恐於切磋上無補茲將去官又辱聯裾專  
劄復以是命繼繼誼復旣不聽辭勉嗣月望日詣學借  
皋比以奉相與之心以圖朝長之益如此稟酬更不一  
一拜學正而次狀

壽王大資陽月歌繳劄

恭審北杓建亥南極騰輝陽三十分生意實根於吉月  
壽千萬歲國人莫齒於疑年慶集槐潭喜聞楓陛恭惟  
某官顏孟學問皋夔經綸屯六三之君子幾弗如其舍  
履九二之幽人吉靡亂於中觀伊昔之早休難如公之  
特立彼富相西洛祁國睢陽元豐十二人謫藹耆英之  
會至和四五老輝輝鄉梓之榮或分席於林泉或同堂  
而詩酒互相資於暇日誠難繼之高風茲魯殿以歸存  
於裴野乎自適問訊小春之梅蕊有約歲寒留連老圃  
之菊花相看晚節矧獨行於叔世斯突過於前修能令  
心遠而地偏固安身計彌見年高而德劭難釋帝心某  
夙也受知躍然動喜道心淡泊雖不聽歌障之聲頌語  
形容聊以見瓣香之意

通王京尹

萬石繳劄

本堂文集卷七十二

八

某伏以夏謹仲月氣候敷與恭惟某官匹馬西來尹茲  
京兆星辰清切堪輿翊扶台候動止萬福某爲隸方新  
謹纓弁束衽贄氏名於節下某嘗讀鄉黨一篇續畫聖  
人氣象當暑袵絺綌浴魚餒而肉敗不食靡不飭加之意  
蓋吾夫子之道大者治身緒餘土苴者治天下今明公  
方以文昌八座之貴彈壓行都吾民父兄子弟忻忻然

美衣甘食之幸有從問二御從何如則將應之曰宛然孔氏家法也某維邦畿四方之本任邦畿之寄者實四方州牧侯伯之表望不尊不足以鎮浮薄口不周不足以別紛糾三數年來驟更數易視之若傳舍口口口口玉宸殿出半夜尺紙以我公歸提寸印而親授之重內勢也某不知其他徒與都人士式歌且舞以寫其抃蹈之私惟主奎者鏡詣某仰惟某官器重則漢之叔度文雅則我朝之庭堅而沈厚端靜度越諸子又渡江來端明公其人也諫官御史徧歷清要在屬車豹尾閒麾節所臨凋瘵甦醒三年建業長江帶水若增而深

斯今斯朝承明乘駟馬復爲玉蓮堂主人由尹而相有天聖典故在某則又與四海人士同一忱綏某幼時從父旁問天人長從諸老遊凡獵獵以名字行世者願一拜下風爲榮龍門岌業溯洄從之不自意今茲遂得以幕底一寒委身千百吏後非遭與瞻言前驅精爽飛越某斐然書生也試令帝鄉幸不得罪百姓間鈞得缺分甘需次尋方外盟誰欺上公俾贅京幕一迂百拙尸素無補更事一二長頗知平日無他腸末路奇逢獲裏章服以進儻台慈母是翦棄赦其不閑於教誨俾盡布腹心則幸甚某鳴豫萬坐某惟詞大嫺僭也奉教條分也



敢略

本堂文集卷之七十二終

答謝京尹曾戶侍淵子賀弟觀中省餽錢劄

弟兄之義如雁斯隨師帥之仁謂鳥亦好有如仲氏偶  
玷春官皆造化密庸之功雖岳山莫諭其德未知報所  
乃累眷情惟寶緘光燦於星奎金餽寵承於天府再拜  
而受萬感斯榮使千佛經魁譜不寒於西蜀自註云陳堯佐兄弟居西蜀皆為狀元則一家氣瓣香皆為於南豐

答天府同官賀弟觀中省餽劄

吾弟則愛俾燒尾於龍門同官為寮乃垂情於烏府粲  
然藻帖賁我棣聯然以頌而不規非所望於相與

本堂文集卷之七十二

十

賀里人中省劄

策勳蘭省需對楓宸試讖蛙鳴六十年前之好樣原注云鄉

學泮水池蛙鳴則出狀元袁孝齋甫乃六十年前甲戌狀元先見臚唱五百名中之

妙年吾道有光斯世增重

本堂先生文集卷之七十二終

本堂先生文集卷之七十三

劄子

餽趙景文教授必昌生日劄

茲者恭審菊月垂圓李星紀瑞學而優仕乃不競於歷  
趨家有嚴君惟自安於色養德基孔厚壽算奚涯某幸  
綴內姻阻隨未賀輒有某物馳上慶筵倘辱笑留幸甚

通邑宰丁既之濟人 大元逢水軍 人居於高郵

恭審出而宰邑來不攜家遡秦賢良詞章之源學優而  
仕入舒文靖道德之里吏飾以儒神政日新歌聲雷發

恭惟某官通才不器英氣所鍾胸次洪深吞巒社者入

本堂文集卷七十三

一

九力量凝定挾土山如毫芒鳴絃十二載之閒立的千  
萬人之上盍徑躋於從橐顧復鎮於男邦維茲奉川本  
是佛地黑雲方夜忽逢明月之照臨焦土不春正賴惠  
風之發育公則勞只民共活乎某喜獨居先賀非敢後  
特以年衰而多病阻於歲晚之一寒受塵為氓惟冀神  
天之下貨扶杖觀化尙圖他日之前趨率代面言仰祈

台照

通謝邑宰梁南廬觀劄

恭審筮策應著花封視篆東平相家之後有賢子孫南  
山古縣之中得慈父母風驅新令雷動歡謠恭惟某官

雷洗精神春融言語琵琶洲上已成桃李之陰弩箭江  
頭將問竹松之譜天宥容於袖手雲又出而無心重尋  
鳧舄之程迂鎮馬鞍之麓挾詩書筭開正化門然而欲  
正學規教士在乎養士欲明戶籍利民適以病民鶩行  
巧飛而舞文犴守善吠而弄法以勉敏而目盤錯刃往  
牛空以熟局而頤指揮弦鳴雁落人方快觀公所優爲  
某淒其耄衰厄於恙臥末由執民禮以見乃辱行古道  
而來公事雖無終益至武城之室惠聲可頌尙能草長  
萬之碑不盡賀忱悉留侍面

通邑長官蒙齋

豈碑  
蒙古劄

本堂文集卷七十三

二

恭審祝印辰良參庭曉肅立官口長也適逢鳧舄之聯  
飛同寅和衷哉相諗牛刀之已試百里之福千載斯緣  
恭惟某官坤厚鍾英謙虛盜晬和中立如雪壁之淨  
春清則生明如冰壺之貯月皆根本於書史而枝葉其  
功名雅愛回翔深培大用彼發封之七邑劇者良多惟  
武義之一同難其尤甚鼓清風而汎掃開白日而照臨  
三年有成萬口交頌復攜熟局之最旨口耀碑而來以  
鐵脊梁主衣冠養成正氣以玉界尺新板籍刷去弊毛  
樂田里於寬平安獄市於明恕精神所及觀德已孚某  
恙纏未瘳燕賀猶阻雖二令尹之賢在上於八十翁之

慢能容然身獲受塵何幸偷生於暮境使力堪扶杖尙能請見於畫簾不盡下情

與張師道學士

伯剗

恭審勇退玉堂榮還珂里星言夙駕及花柳之方新雲出無心見粉榆而如舊歸而歸於未老樂莫樂於此時某聞之喜而起舞不自知身之耄且憊也然度無從可以面慶輒以書先尙容少遲俟遣兒輩晉賀

與於潛宰鄔洪

濟民剗

恭審榮領花封遄趨瓜戍手中熟局笑談桃李之新陰心上生機福澤桑麻之舊俗吾儒效白當路盼青某辱知旣深聞聲欲舞第失寄鴻之便遂逢燕賀之忱當亮以真不譴其慢茲兒沆如杭就戒其晉慶且欲知畫簾起居之詞詳也尺書潦略不盡願言

書

謝家則堂提刑

鉉翁

應詔特薦書

舉詞云界特自持疏通無滯不交游談以取虛譽務修實政以妥疲氓察其所施足以任重

伏準劄翰緘賜應詔特薦照帖某嘗謂古之爲政先教化次獄訟征賦末也教化行而獄訟省而征賦在其中矣世遠道散政失其序以征賦爲第一事獄訟猶以爲緩復暇及教化乎春秋之際武城弦歌已爲僅見至漢

惟卓魯有古之意寥寥千載非惟下之人懵然此道而上之人所以使之者固不在此也某雖不才無所謂學僥倖百里宰竊亦有志焉而所遇之地聲勢震撼豪奢掀舞譁者狡者羣吠而交嗷焉不敢輕以掉之恐其浮而紛紛也不敢重以抑之恐其窒而悶悶也就此之所可能酌彼之所可受約其氣之過扶其習之偏凡所酬酢凡所言語無所不用其心庶幾其或應而或可以自信也彼好事於後者方且笑其非所先督辦於前者方且訝其失所急特先生味其所苦如嗜菖歎菹拾其所棄如見古罍洗今日以陞陟舉明日以應詔薦某於先生無游揚之助無趨樞之舊六轡馳驅不下負弩矢之一望光塵而已知何其深愛何其篤也然則其自信於心者雖未必民之果應而先生固已可之矣昔者問耳坡公政事之美者答曰吾從歐公學來然歐公何嘗以政事教坡公哉亦不過意以相求耳先生今之歐陽公抱古心行古政事某於坡公雖擬非其倫何敢不益堅素志以從先生於歲寒

謝玉樞密

倫

舉陞陟書

舉詞云學有原本政尙廉強撫字良勞藹有民譽

十二月吉日門人宣教郎陳某謹熏沐再拜裁書於

觀

詔使知院大資相公先生閣下某謂人生天地閒有志於斯世而上不獲公卿以握天下治亂之機次不得總揮持節以善千里福一道而猶得爲百里宰使士者樂其有庠序之教農者安其有耕桑之業工得以食其藝商得以通其貨就職分以行吾志庶乎其可也世遠道散相軋以勢而上下之情不通交征以利而仁義之澤不行幸而脫選調閒須入則蹙頞相告抵掌長歎其煎熬也則謂之鼎其險激也則爲之灘其算日數刻僥倖終更也則謂之債古之所以爲社稷人民計所以長子孫之地者視爲何物然則終無可爲之縣耶某生於山

林偶然入仕展轉數載試令剡溪之上難易非所問也禍福非所知也妄自激昂亦欲無愧於名教聽訟盜過於審而不敢以乘快爲能催科盜失之寬而不敢以嚴督求羨學校之設幾成虛設不容不爲之振刷而非敢終更也田里之微薄於有力不容不爲之捍衛而非敢矯亢也職之所存亦曰於此而有見焉則可以一洗流俗所謂鼎所謂灘與債者之見而譁健方掀舞而交謀聲勢方振撼而疾故星火之急符虎狼之專兵叫號嫚罵於軒簾之前堂皇之近殘吏弱卒累累就逮淒淒破印相無咄咄終日黯乎其無晶光矣先生獨何心哉拔

之於塵埃之底風波之中若曰學焉而有所本榮辱而有限之舉槓乃以第一紙廉某此又天下之所慕望而不可僥倖者也非惟旁觀驚疑雖某亦未之能信聖賢之教人有因其所不及而謂之語以進之者有因其所未能而開其端以誘之者固先生之意也某今知勉矣昔蘇子瞻謝梅二丈有曰人不可苟富貴亦不可以苟貧賤有大賢焉而爲其徒則亦足恃矣苟能僥一時之幸從車騎數十人使閭巷小民聚觀而贊歎之亦以易此樂也歐陽公讀之以爲快哉快哉某雖非子瞻其倫而先生則今之歐陽公也某今獲爲先生門人矣他復

何慕所以謝知己者此外亦復何言于

冒鈞威伏櫜戰慄不備某再拜

書簡

吉初彌月招宗族親鄰寓飲簡

溫公家法有客則酒三行或五行侑以果菜曰會數而禮勤物薄而意厚懿哉此風久不見矣某今日爲新生小兒彌月徇俗具湯餅因敢會宗族姻鄰及客而吾里相知者併取生梅青菜酌酒三杯早賜訪不再速不見燭惟從簡便庶幾共味溫公之語非敢曰真率會自某

始

某在苒兩別歲忽其多雪屋之風節節送雲其至白鷺  
洲者謂還家日申答而奪於東西馳久而亦漸遺忘舍  
姪津來琅函又在乎珍匳且紛壓拜讀受新舊媿流爲  
淚背汗高誼益上九霄不復攀矣執事其氣峻潔於高  
風岑其文清麗於栖霞壁本是崖丘神仙侶流爲郊島  
輩行留某非不起美人如此口口塵埃遮眼望不見也  
祇健羨祇自憐舍姪云雅典終欲訪江湖收奇觀某倘  
有緣或可奉從容某自去達蘭芷國抵雨花臺下橘菊  
二翁

原注云姚橘  
州趙菊坡

相俛留旣而得缺於蕪湖秀才於紙

帖見錢今卻與阿堵物訂交道日謀此去猶未遂也是  
非利害外人當有以教我略此申覆且無一物見梅花  
意南豫有可承鞭策勿外僭易申問判內玉履清懿令  
似與桂爭芳

與葵守趙侍郎

汝  
牒書

某託盟門牆與他人不同拜狀只用事嚴父禮套俗語  
茲不具首乞尊亮某伏自千騎過剡獲攀拜於道周隨  
而麾蓋謙賁簾影亦華探伺前茅廩餼不敏不謹陽春  
之腳飈馳電抹遙遙耿耿竟無及也更分之際每思邈  
近息忙之際意氣所予教誨所加春八之雨不足喻其  
暢洽甚欲亟修中詞書坐尤到今一巖先生以靠裏學



爲儒宗以寬後心應世用天惠寶婺起家建牙曾未幾  
時行碑拍路謂百姓沃詩書之澤諸邑樂約束之寬極  
弊大壞之郡聲色不動景象日新雞翹豹尾班虛位良  
多固有待也袁召當旦夕某皆直言卽非諛佞某學製  
於此今已入閏月規模僅定蠹弊承流但如驚風怒濤  
之後摧敗漂蕩者多駕輕舟而收拾焉未能盡如意耳  
所藉雲天遠覆未速曠敗欲望痛賜鞭警以玉於成某  
恃辱眷遇之隆有爲挾袋助者不敢不進某自到剡不  
與人接風聞此聞之有學問有見識有才具有氣骨者  
一人焉新義烏主簿趙炎

原注云  
字光叔

是也某時就見之彼

亦三五次來見問本邑則有源流開發用則有條理守  
信義如泰山避勢利如糞壤自是異稟非碌碌科第功  
名人比今於六月閒之戌適在統臨之下彼意欲在易  
序書策琴瑟之側蓋於平常議論察之然今日受容必  
不冝攜人書乞薦口某謂此等人不可使之沈埋外邑  
當於參庭之初留置幕府以婉畫嘗試必有可觀不負  
異盼某身不能從函丈遊以迂自見所以薦趙簿爲第  
一義某自謂幕中得此等一兩人則無事不了而功用  
便與俗吏腐儒不同高明其樂從之勿以人廢言可也  
某雖甚僭越實爲忠愛茲因專候起居亦欲專及此人

之詳

內幅

某忝知愛絕等遣人奉狀豈不欲少見芹獻而山邑更無他物惟蜜餌頗見珍於外方輒以四十封拜納此亦以居山不以魚鼈爲禮之意邑庠書版獨有剡錄頗詳明鄰邑有石可爲器宜煮茶藥就以兩銚爲瀆倘蒙先生領略眞忱試嘗蜜餌瀹以烹茶讀過剡錄百遍豈不可爲燕清之一助

答上虞陳宰早書

某鼎烹上坐暑甌非病之病良苦好風自西溪來吹下

本堂文集卷七十三

九

眞帖展而讀之如服飛雪散毛骨肝腸灑灑其忽變換也況賜我以佳友如史兄者乎是兄面帶雪嶺氣口有眉山文叩之而不窮卽之而愈遠宗文所取友端矣第邑計荒涼不能免孫泰山之皇皇我有愧焉則堂先生之於某無一事不用情欺之者實仁言也黃東發震材爲越倅近奉檄道下邑亦有稱美盛口豈有築堰事文移或有訛語耶然在我者又何愧剡庠課試已結局擬試凡數百卷賦出云云論出云云策首問乃某亂道蓋邑士皆以三邊爲請某方問古則江東十鑑皆隊仗方問今則又難下筆終不於今事槩括之敢以密呈其一

二問卻說擬試與雪溪故實乃主學之筆不敢錄大手  
筆間擬試中間說僭擬處乃某平生所欲言愧無其權  
位以行之今讀此間不覺神醒而心快會陳次賈名策上虞  
人望爲致再三意

賀盛正卿夬除三省樞密院架閣書

某此領答緘道誼之言滿腹如水之盟自與流俗不同  
讀邸狀共諗拜紫泥詔班金耀門道之將行豈獨知我  
賢然後用猶見天下之爲公世運所關吾道自賀云云

本堂先生文集卷之七十三終  
王學之筆不類大手  
人望爲致再三意  
賀盛正卿  
某此領答緘道誼之言滿腹如水之盟自與流俗不同  
讀邸狀共諗拜紫泥詔班金耀門道之將行豈獨知我  
賢然後用猶見天下之爲公世運所關吾道自賀云云

